

費陽府志

七

360.11

136

部二一計

貴陽府志序

貴州通志成於鄂文端相國自是越百餘年而耦耕
中丞因其崖畧爲貴陽府志未竟用遷來撫是邦踵
而成之夫必有郡志而後采爲通志者先河後海之
例也因有通志而復析爲郡志者導江分沱之說也
稽古在昔先民有作會稽志宋施宿所撰也至張洪
爲寶慶續志則仍其舊文稍益以辛酉後事爲八卷
建康志周應合所撰也至元張鉉爲金陵新志則摭
諸外乘刪去其年表爲十五卷舊可沿則沿之雖若
班孟堅之錄遷史不爲勦漏宜補則補之卽爲裴松
序
之之注壽志不爲專作述之體古如是也貴陽爲黔
大都會冠蓋之所交人文之所聚凡其建置沿革疆
域財賦戶口阨塞之類畧具通志矣其有待於增緝
者毋亦惟是孝義節貞之迭起錯出未忍聽其湮沒
也用遷於斯事無能爲役顧幸有文端開其先得仿
其體例爲耦耕先輩續尾焉亦願守斯土者視其風
會之所趨而善爲導防云爾昔

宣宗成皇帝軫念邊垂披覽圖志數引公卿牧守博訪利

病晝漏下五六刻乃退

用遷時拜撫黔之

命由蜀入觀惴惴焉惟恐失對貽羞及顧問黔事則頓

首曰臣不才少聞先都御史長白愛必達曰介楚之區其民夸介蜀之區其民果介滇之區其民魯介粵之區其民蒙 上曰貴陽於四封無所介俗何如曰是亦多僑籍蓋合吳楚之秀良以聚族於斯土也其民華 上曰趨於華也易返於樸也難樸惟恐其陋也華尤恐其僞也 用遷退而筆之於簡故自數年來見士用官不取華縟雕琢誠欲正其趨抑其俗以無負

臨軒之命而已今於志之成也并附識之

序

卷一

撫黔使者裔用遷譔

貴陽府志叙

明初設貴陽布政司卽以貴陽府爲省會故金竹長官司地也迄今五百餘年聲教洋溢人文彰蔚舉於鄉者率占其額四之一或加羸焉士大夫之登

朝籍者往往列

禁近擁節旄爲

天子宣力中外聲譽著遠邇繇是論黔俗者尤以貴陽爲

一省之最予視學茲土四年矣通觀全黔之人文信無有逾乎貴陽者也是何以然哉蓋貴州之山脈發乎黔中高峰峻嶺旁薄鬱積至是始豁然開朗山有

貴陽府志序

黔靈扶風之勝水有涵碧芳杜之觀四時溫和無大倉熱嘉禾瑞麥歲書有秋宜其靈秀薈萃鬱爲人文矣而予尤有望者黔學之興實自王文成始文成嘗主講文明書院矣卽今貴山書院是也其時文成方以忤大閹謫窮荒讀其瘞旅之文有足悲者率乃悟反身之學揭良知之理用是風厲學者而黔俗丕變厥後文成屢平劇盜定宸濠之亂以其主靜之學成宇宙不世出之勲可謂偉矣而世之學者或以文成雜入於禪爲詬病夫雜入於禪殆學文成者之過非文成之失也今以文成之所表著者觀之學禪者能

之耶且學固欲其通時務濟變故而已如文成者而
尙不謂之正學將必方領矩步拘墟無用者而後謂
之學耶今去文成之時雖遠黜之學者或尙有能私
淑文成之學者未可知也

皇上萬幾之暇研精理學近

允廷臣之請以宋臣韓琦從祀

孔子廟廷蓋欲海內之人知學術事功表裏一致而
非耽虛尙寂之謂也夫耽虛尙寂且不可以爲學况
乎浮游猖狂與夫緣飾表襮之爲事哉黜士勉之矣
人文成之祠而景仰其遺型可以知爲學之要矣貴

貴陽府志

二

陽舊無志創修於道光二十二年稿本既成善化賀
尙書嘗序之及今而剞劂之工始告竣乃舉平日論
學之言埒著之卷端以爲承學之士正告焉

咸豐二年七月

提督貴州學政詹事府左春坊左中允常熟翁同書

補刊羅繞典黔省輿圖序

羌辭家於安化甫供職以旬宣考幅員於千九百里之內稽版籍於四十八溪而外則有縣名桐梓廳號松桃邑畢節以瓜分州貞豐而斗大婺川小尹旁聯婺女之輝郎岱同知上應郎官之宿挿峩峩之天柱台拱占星畫莽莽之石阡威寧駐節黎平與黃平分土界平遠而壤辨九州清江與丹江異流控都江而水彰五色黔西州久稱蠻郡近始歸心思南府遙隔雁峯尙堪翹首問俗於亦資孔驛易闢洪州紀功於得勝坡頭合標凱里其始民難歸化廳未普安羅施

貴陽府志

卷

輿圖序

無秉國之才空談施秉文德詎修來之化安望修文銅仁府柱未標銅玉屏縣崗愁焚玉蠻夷大長笑平越之無能汾陽令公愧定番之乏策祇見大塘鬪沸長寨戈橫麻哈州亂且如麻印江縣勢難掛印延乃舉義旗而募役札佐巡軍沉鐵鎖以省溪下江截戰獨山州判砥平三脚之地都勻府前斧破八蠻之寨旣安順而思廣順遂鎮寧而思永寧掃醯雞以拓甕甕安悉成安土陳驛牛而書冊冊亨皆化亨衢於是厥水城而城已增新列古州而州還由舊花飛朗洞問津只可求魚草長芳村踏月不聞吠犬披畫錦於

錦屏鄉裡疊香羅於羅斛州邊正大營開柳霽而絲
絲綰碧清平曲衷荔波而黦黦垂丹蓋叩水波澄既
可叩須我友湄潭秋老尤堪溯回伊人所由過龍里
而門幸登高塵半腸而坡無嫌峻也我

聖朝奇功鎮遠荒繳開州安南荒率以來王大定遂因而
偃武曰遵義曰興義安平合訂爲一書爲綏陽爲貴
陽開泰永符乎六畫祇恐官非赤緊地近清溪假丙
妹以一厘暱丁娘之十字城臨貴筑嶺未栽花庭少
懸魚地先奉酢積孽叢生於狐穴斬邪莫伏乎龍泉
輿情未必永從政教安能嘗定詎知承家庭之餘慶
貴陽府志

卷

興寧序

尙計燕貽際宇內之正安須防鸛毒惟吏循良能以
清鎮必師慈惠方可仁懷行見挾纊知恩到處如經
溫水縱教選錢表潔去時尚號思州卽令虎渡河層
樹立早知其貴定他日鶯鳴谷口喬遷好近乎長安

貴陽府志序

徵文考獻問俗觀風爲政之先務也貴州通志修於乾隆年間而貴陽爲一省首郡志乘未脩殊爲缺典守土者病之道光二十三年周小湖太守知貴陽府事百事咸理尤汲汲以脩志自任創率郡人士籌費設局博採旁蒐先屬思南府蕭君瑄草具大略又延湖南新化縣鄒君漢勲討論而脩飾之稿本將成屬余序其顛末不得辭也太守以詞臣領郡厯守繁區前署思南纂脩府志余旣序而付梓矣是編之輯雖止一郡文獻而領袖全黔將來續脩通省之志書以

序

卷一

此爲權輿條舉通省之政事以此爲圭臬所係豈不重哉余撫黔九載飭綱整紀察吏安民惴惴焉以弗稱厥職是懼茲復忝領連圻轄疆彌廣則耳目益恐難周願太守以脩志之心贊襄庶政知無不言匡予不逮如斯志之藉資考鑒焉是予所厚望也夫道光二十六年歲在丙午春正月總制滇黔使者賀長齡

譔

道光二十二年壬寅秋日調署貴陽 中丞賀耦耕
先生卽以府志見委謂黔中受

國朝恩澤二百餘年前此僅有通志近日山川秀發人文
蔚起貴陽爲通省領袖志乘缺如此守土者之責也
爾其修之余曰是不易易非輯之所能爲而 先生
諄諄之意似不能已於是謀諸在籍之顯官紳耆如
漕帥朱蔭堂封翁家石藩楊蘭圃觀察王夢湘兵部
劉心農司馬陳杰峯刺史孔叙五諸公皆解囊捐金
踴躍以期於必成遂延思南蕭玉初明府開局於府
學明倫堂之右各秀士任採訪者若而人任謄錄者
序

卷一

若而人任雜事者若而人網羅舊聞摭摭遺逸歷寒
暑而無間勤鉛槧而弗遑閱三年而網舉目張書已
成帙其時 學政胡小蓮先生方伯李雙圃先生前
廉訪吳仲雲先生皆以爲體要已備猶擇而未精也
筆墨已勞猶美而未善也與 賀中丞商之復聘湖
南宿學鄒淑績先生參互考訂去複刪繁另標節目
以歸大雅獨據經史以闢異說自

宸章以至土司列爲八十八卷餘編二十卷條分縷晰體
大思精質之 今宮傳見齋先生前方伯蘇溪先生
咸以爲有典有則不懈而及於古可付剞劂矣維時

署中丞唐子方先生廉訪但雲湖先生及任於各省者俱捐廉分寄以成其事是役也數載辛勤始終經理者惟叙五一人之力居多余不敏前奔走於簿書近馳驅於防禦於書未能有所叅補惜耦耕先生已歸道山不及見此書之成以副其殷拳之意也是爲序

昔咸豐元年正月立春之次日

諸

授中憲大夫署貴州按察使司分巡貴東兵備道前翰

林院編修掌廣東廣西道監察御史乙酉科廣西鄉試正考官廣西河南提督學政貴陽府知府軍功隨

序

卷一

三

帶加三級周作楫拜撰

貴陽府志序

凡州郡從水之陽者於山爲陰從水之陰者於山爲陽若地志所稱滎陽汝陽者居水北也霍陽衡陽者居山南也貴州本以貴山得名山在城北二里而郡治建於其南故曰貴陽先王之於民也每患其不安於愚賤尤恐其自外於富貴故常於肇州置郡之初錫以嘉名使之顧名思義有以激發其志氣而鼓舞其精神今富水從八里屯繞貴山麓流入南明河其激盪渟蓄可謂擅一郡之勝矣然卒不以富陽名者水之南不可以陽名也且與其使人慕富而爭效駟

序

卷一

四

僧曷若使人慕貴而爭重衣冠依宣慰之故址易程番之舊稱寵錫之曰貴者使自歆動云爾而

國家爲黔南分制科增解額之意亦於是見且夫羅甸鬼方之險非逾於劍閣也廩君務相之裔不雄於滇海也然而荒忽靡常華離相錯一聽其自君自長者何也則以財賦不敵東南一大郡列代度外置之也秦漢之際嘗置黔中牂柯郡矣當夫莊蹻開邊唐蒙持節之時卽曰內屬不過羈縻至於元明百戰而後服之再叛又幾棄之控御固若斯之難哉夫必有鄙夷不屑之心而後彼亦悍然不顧以相抗今者毒

谿瘴嶺盡立室家卉服鳥言俱隸版籍驅其豺狼狐
狸墾其犂确草萊歲納其粟米銓秭呼召役繇罔敢
或後蓋文德之懷柔遠矣而其俊髦亦默體

朝廷激發鼓舞之意不肯自外相與講明乎道藝步
趨乎矩繩其亦有文章政事與孫李諸君子爭輝者
嗚呼何感應之神耶上之人因其所貴而寵之以名
下之人亦崇其所貴而報之以實吾乃觀於郡志細
繹郡名而知蚩蚩者亦視乎上之意嚮其潛移默化
之權爲可恃也

璠

從銅仁移守於茲愧不能課農桑

樹畜謀及米鹽凌雜襦袴纖書使之皆富猶欲招下

序

卷一

五

縣子弟選入學宮爲之講良貴之貴不在科名庶明
經飭行敦本勸善彬彬乎咸知自貴而又無暇日值
郡志告成董斯役者屬弁其端而耦耕中丞旣於創
始之際爲小湖觀察詳序之矣復何贅遂因郡名寄
意焉

知貴陽府事江夏王成璠

公啓者吾黔省誌之修百有餘年貴陽首郡及首邑
並無專誌其時通誌載記較他郡爲詳而板存藩庫
漫漶已多矧厯有年所其中教化之轉移氣候之變
遷政制之修改民物之增衍與夫名宦之豐功善政
者碩之懿行嘉言及忠貞孝節選舉藝文之夥不再
加搜羅採輯勢將日就廢泯現聞外郡皆各自勒成
書而我首郡不汲汲專辦廢墜滋虞欣逢我
小湖郡伯大人履任伊始圖治勵精先立其大因集
樹等于粉署倡辦郡誌並經詳明

各憲刊諭勸輸洵爲嘉惠吾黔至意千載一時闕郡
序
幸甚况值

耦耕中丞

藩臬兩憲康濟鴻才湛深經術釐定裁成

定爲善本信今傳後不卜可知第功程甚鉅經費維
艱除樹等竭力捐輸外用特函告

臺端諒必樂茲盛舉

概分鶴俸早寄鴻書凡有疇曩見聞諸希

指示勸斯役之不逮俾方乘之永垂郡人士咸欽
高誼勿諉矣現在遴人興事所有辦理章程並勸捐

公費俱由

郡伯酌定飭發照辦合肅布達

貴陽府志目錄

冠編卷一 恭錄

宸章上

冠編卷二

宸章下

卷一 大事紀上

卷二 大事紀中

卷三 大事紀下

卷四 沿革表上 序

卷五 沿革表下 表

貴陽府志 卷一

目錄

卷六 職官表一 漢元職官

明都察院

卷七 職官表二 明按察司

明貴陽府

卷八 職官表三 明五屬城

卷九 職官表四 明守將

卷十 職官表五 貴陽府

卷十一 職官表六 定番州

卷十二 職官表七 龍里縣

卷十三 職官表八 撫標營

卷十四 選舉表一 制科

卷十五 選舉表二 舉人一

卷十六 選舉表三 舉人二

卷十七 選舉表四 舉人三

卷十八 選舉表五 舉人四

卷十九 選舉表六 舉人五

卷二十 選舉表七 諸貢

卷二十一 選舉表八 武科 行伍

卷二十二 選舉表九 薦舉 援納

卷二十三 選舉表十 封廕 入祠士民

卷二十四 畺里圖記一

卷二十五 畺里圖記二

貴陽府志 卷一 目錄

卷二十六 畺里圖記三

卷二十七 畺里圖記四

卷二十八 畺里圖記五

卷二十九 畺里圖記六

卷三十 山水圖記上

卷三十一 山水圖記中

卷三十二 山水圖記下

卷三十三 山水副記

卷三十四 城郭圖記

卷三十五 宮室圖記

卷三十六 祠宇副記

卷三十七 關路津渠圖記

卷三十八 古城地圖記上

卷三十九 古城地圖記下

卷四十 分星畧 五行畧

卷四十一 祠祀畧

卷四十二 學校畧上

卷四十三 學校畧下

卷四十四 食貨畧一

卷四十五 食貨畧二

貴陽府志

卷一

目錄

卷四十六 食貨畧三

卷四十七 食貨畧四

卷四十八 武備畧上

卷四十九 武備畧下

卷五十 藝文畧一

卷五十一 藝文畧二

卷五十二 藝文畧三

卷五十三 藝文畧四

卷五十四 漢元政績錄一

卷五十五 明政績錄一

卷五十六 明政績錄二

卷五十七 明政績錄三

卷五十八 明政績錄四

卷五十九 明政績錄五

卷六十 明政績錄六

卷六十一 明政績錄七

卷六十二 政績錄一

卷六十三 政績錄二

卷六十四 政績錄三

卷六十五 政績錄四

貴陽府志 卷一 目錄

卷六十六 政績錄五

卷六十七 政績錄六

卷六十八 政績錄七

卷六十九 政績錄八

卷七十 政績錄九

卷七十一 政績錄十

卷七十二 政績錄十一

卷七十三 明耆舊傳上

卷七十四 明耆舊傳中

卷七十五 明耆舊傳下